



Inatsisartunut ilaasortaq, Hans Enoksen, Naleraq  
/Maani

17-06-2024  
Suliap normua 2024 - 99  
All. normua. 24109682

**Naajaani, Nutaarmiuni Qeqertanilu Pilersuisup pisiniarfiinik sananissaq pillugu § 37 naapertorlugu apeqquteqaammut nr. 2024-85-imut akissut**

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Inatsisartut Suleriaasianni § 37, imm. 1 naapertorlugu Pilersuisup pisiniarfiinik sananissaq pillugu apeqquteqaat matuma kingulianiittoq Naalakkersuisunut saqqummiuppat.

Apeqqutigineqartut uannit akisassanngorlugit innersuunneqarput.

**1. Ukiut arlaqalersut nunaqarfiit Upernaviup eqqaani Naajaat Nutaarmiullu kiisalu Qaanaap eqqaani Qeqertani Pilersuisumi pisiniarfiliornissaq neriorsuutit massakkut sumut killippat?I ?**

Akissut:

Matumani § 37 naapertorlugu apeqqutigineqartut akinissaannut atugassanik KNI A/S-imit akissutissanik pissarsiniarfigineqarpoq, imatullu akissuteqarpoq:

*”Nioqqutissanik pilersuineq pillugu kiffartuussinissamik isumaqatigiisummumut Qaanaap eqqaaniittoq Qeqertat ilaareerpoq taamaattumillu pisiniarfeqarpoq. Naajaat aamma Nutaarmiut nioqqutissanik pilersuineq pillugu isumaqatigiisummumut ilaanngillat. Nunaqarfinni taakkunani pisiniarfiliornissaq kiffartuussinissamik isumaqatigiisummumut aningaasaliissuteqarnerunermik pisariaqartitsissaaq, tamannalu naalakkersuinikkut pingaarnersiuinernut ilaasariaqassaaq.”*

**2. Neriorsuisaqaattaartanerit qaqugu timitalerneqassappat sunalu utaqqineqarpa sanaartornissat uninngaannarnerinut?**

Akissut:

Naajaat aamma Nutaarmiut kiffartuunneqarnerannut naatsorsukkanut tunngaviusut kingullerpaat, kiisalu Qeqertami toqqorsiviup kioskinngorlugu annertusineqarnera kingullermik 2017-imi naammassineqarput. Nunaqarfinni pineqartuni attaveqaatersuutit suut pigineqarnissaasa misissuiffiginissaat Namminersorlutik Oqartussat pisariaqartittussaavaat. Taakkununga imermik pilersuineq, innaallagissamik pilersuineq, umiarsualiveqarfik aqqusernillu ujaraaqqanik qallikkat ilaassapput. Taamaammatt maannarpiaq misissueqqissaarnerit, paasiniaanerit naatsorsuinerillu arlaqartut

ingerlanneqartariaqarput, aallartisarnissaq, sanaartornissaq, ukiumut ingerlatsinissaq il.il. aalajangersimasumik peqqissaartumillu naatsorsorsinnaajumallugit”

### 3. Nunaqarfinni pineqartuni pisiniarfiliassat qaqugu aallartinneqassappat?

Akissut:

Suleqatigiissitamik, naalackersuisoqarfinit attuumassutilinnit aamma KNI-mit ilaasortaaffigineqartumik, ilaatigut suliasamik suliaqartussamik pilersitsisoqarpoq. Naalackersuisut maannarpiaq qaqugu suliap ingerlasup suleqatigiissitamit naammassineqarnissaa naatsorsuutigineqarnersoq aalajangiiffigisinnaangilaat.

Inussiarnersumik inuulluaqqusillunga



Kalistat Lund